

VULI YAWA

IVAKASALA NI CAKA VULI MAI VALE

MO VAKAVAKARAU VAKAVINAKA

Kevaka o caka vuli ena vuli yawa, ena gadrevi kina na vakavakarau vakavinaka ni se bera ni o qarava na nomu lesoni. Dodonu mo na kila vakavinaka na nanamaki ni lewe ni vuli kei na iwalewale ni vuli mo na taurivaka me sotavi kina nodra ivakarau ni vuli ka, na veigone taucoko sara o na vakatavulici ira.

TUVAI NA GAUNA MERA DAU SEMA MAI KINA NA VULI YAWA NA GONEVULI

Tuvai na gauna mera dau sema kina na gonevuli ena vuli yadudua se vakailawalawa ena monalivaliva. Dodonu mera na kila tiko na gonevuli kei ira na itubutubu na gauna ni kalasi ka kilai deivaki tale ga na sala ni nomuni veitaratara. Qo ena vukea cake na nomuni vakaraitaka lesu vei ira na gonevuli na macala ni veika era sa vulica ka saumi talega kina na nodra vakatataro. Kevaka e vakarautaki eso na cakacaka lavaki mera mai wasea na gonevuli ena gauna ni vuli, sa dodonu me vakamatata-taki vakavinaka vei ira.

MATATA VAKAVINAKA NA NANAMAKI NI VEIKA ME RAWATI

Vakamatata-taka na veika o namaka me na rawati ena sala kece ni veitaratara o vakayagataka. Na veika o namaka me na rawati ni vakacavari na macawa e dodonu mera kila taumada na itubutubu kei na gonevuli. Mera na kila vakavinaka na gonevuli na gauna era na ciqoma kina na nodra cakacaka lavaki, gauna me soli kina se vakauta mai na nodra vakatataro.

VEITARATARA KEI IRA NA ILAWALAWA VAKACAKACAKA

Me caka wasoma na veitaratara kei ira na nomuni ilawalawa vakacakacaka. Veiwaseitaki na veivakasama kei na veika oni rawa ni vakavinakataka cake kina na qaravi ni vuli yawa. Rawa ni oni vakasaqarai ira na qasenivuli era kila cake vakavinaka na iwalewale ni vuli yawa ka oni veitokonitaka vata na wasei ni vakasama kei na gacagaca ni veivakavulici.

VAKARAUTAKI NA VANUA NI CAKACAKA

Vakarautaka edua na vanua o taleitaka ka rawa ni vanua ni nomu cakacaka e vale. Kakua ni digitaka na vanua ni moce baleta ni na lai vakaleqa na nomu gauna ni moce ni o vakasamataka tiko na veika vakacakacaka e tu mo qarava.

YALO RAWARAWA KA TU VAKARAU

Tu vakarau mo na ciqomi ira na gonevuli era sota kaya na dredre ena nodra veivuvale me vakataka na lailai ni veitokoni, leqa na monalivaliva kei na veidredre tale eso.

Dodonu tale ga moni tu vakarau ka vukei ira na gonevuli era gadreva na nomuni veivuke me sotavi kina na nodra gagadre vakavuli.